

2-7555/25
05-06-2025

საქართველოს პარლამენტის ბიუროს

დარგობრივი ეკონომიკისა და
ეკონომიკური პოლიტიკის კომიტეტის
დასკვნა

მოქალაქეების: ზურაბ ვანიშვილის, ზურაბ ლლონტის, ბესიკ ქათამაძის და როლანდ კოჩოძის მიერ წარმოდგენილ საკანონმდებლო წინადადებაზე „სამშენებლო ომბუდსმენის შესახებ“

(N1-4059/25; 08.05.2025)

საქართველოს პარლამენტის დარგობრივი ეკონომიკისა და ეკონომიკური პოლიტიკის კომიტეტმა 2025 წლის 4 ივნისის სხდომაზე განიხილა საქართველოს მოქალაქეების: ზურაბ ვანიშვილის, ზურაბ ლლონტის, ბესიკ ქათამაძის და როლანდ კოჩოძის მიერ წარმოდგენილი საკანონმდებლო წინადადება „სამშენებლო ომბუდსმენის შესახებ“.

საკანონმდებლო წინადადების ავტორების მოსაზრებით, სამშენებლო ნებართვების გაცემის პროცესში შეინიშნება დარღვევები. გარდა ამისა, სამშენებლო სექტორში გასაუმჯობესებელია გამჭვირვალობა, საჭიროა უფრო მკაფიო წესების შემოღება და შენობების ხარისხის კონტროლისა და უსაფრთხოების მექანიზმების გაუმჯობესება.

დასმული პრობლემის გადაწყვეტის გზად, ავტორები სამშენებლო ომბუდსმენის ინსტიტუტის შექმნას და „სამშენებლო ომბუდსმენის შესახებ“ კანონის მიღებას მიიჩნევენ.

საქართველოში მშენებლობის ნებართვის გაცემისა და შენობა-ნაგებობის ექსპლუატაციაში მიღების წესები დარეგულირებულია სივრცის დაგეგმარების, არქიტექტურული და სამშენებლო კოდექსით და შესაბამისი ტექნიკური რეგლამენტებით. ასევე, საქართველოს კანონმდებლობით, დაუშვებელია სამშენებლო ნორმების დარღვევით აშენებული შენობა-ნაგებობის ექსპლუატაციაში მიღება.

რაც შეეხება სამშენებლო სექტორში ადამიანთა უფლებების დაცვას, აღნიშნული წარმოდგენს საქართველოს სახალხო დამცველის უფლებამოსილებას.

შესაბამისად, საქართველოს პარლამენტის რეგლამენტის 105-ე მუხლის მე-6 პუნქტის თანახმად, კომიტეტმა უარყოფილად ცნო საქართველოს მოქალაქეების: ზურაბ ვანიშვილის, ზურაბ ლლონტის, ბესიკ ქათამაძის და როლანდ კოჩოძის მიერ წარმოდგენილი საკანონმდებლო წინადადება „სამშენებლო ომბუდსმენის შესახებ“.

პატივისცემით,

კომიტეტის თავმჯდომარე
შოთა ბერეკაშვილი

